

# Elections Canada - Newsletter

Aashi-tepii-ikewin Canada - Tipacimoowin

## **Ahnishiniwak o-wii-ci-hiwewiniwaa Aashi-tepii-ikewinik**

Ohowe tipacimoowin ayawan wiitamaakewiwan Aashi-tepii-hikewin Canada kaapimiwitoowaac eshiikimaawat ahnishininwan ohoma Canada kaatashiikewac kewiinawaa ciaashi-tepi-hikewac miinawaa aashi-tepi-hikaaniwak. Ni-kakwetotamin ihimaa kakii-nanakacicikatekipan wetii pi-otaanaak kakipi-aashi-tepi-hikaaniwak, ekwa ahnishiniwak eka wiinawaa naapic ewiichihiwewac apiic wiinawaa kotakiyak ohomaa kanataa kaataawaac, weti maawac kaaishi-kapeshiwaac ootenak.

Miitaash eshi-kakwe wiichayakitaw ahnishiniwak ci-kiketamowaac kewiinawaa etapaketaakosiwaac ci-aashi-tepi-hikewaac miina nawaac ciwentaninik kewiinawaa ci-takwiiwaac.

Weti tahsh noonkomiike otaanaak, nikiipi-nanakhshkawak kaniikaniitamaakewaac miina ohshkaatisak weti ahnishiniwak opimiwicikewiniwaa ka-ishiwiichihiwewaac. Kinanakominaawaa tahsh minikok kekonan kakiiwaawiitamawishiyek miina kakiiwitamek emisawentamek ciwiichihiweyek.

Jean-Pierre Kingsley

## **Kakiimatanokaatek ci-ohciwiitamawitaaw miina ci-shikishkawitaaw**

Ekwa tahsh keishiwencisenik kewiinawaa ahnishinniwak ci-aashi-tepi-hikewaac, ami katotamoowaac Aashi-tepii-hikewin Canada ka-aanokatamoowaac oh-kiinankiitoonawaa ahnishininiwak ka-ociwawiicihitaaw kaa-oci-anokaatomowaac. Miitahsh enaapatisiwaac kaahnokaatomowaac ohowene otociwiitanookiimahwaan kakanawentak aashitepiihikewinan, ekwa tahsh weti ishikakitowak ahnishinini tahshikewinan mayaam ka-ociniikanisiwaac kecinaac ohtanishininiwaa ci-kikentaminic e-inetakosiwaac ci-aashi-tepi-hikewaac miina ahniin ketotamowaac. Ami kaye e-wiitotamaak ci-takwakin ketashi-aashi-tepihikewaac ahnishininiwak weti otenaak kaatashiikewaac. Ta-ahni anokiihawak kaye ahnishininiwak ci-ishianokiiwaac kaa-tashi-aashi-tepi-hikaaniwak, miina kakicihawiwaac miina ohshkaatisak ka-oci-wiici-hitwaa tatakwan ci-ohci inwetamawitaaw miina ci-oci-waawiitamawitaaw eka kakikentamowaac aniin ketotamowaac.

Kiiyapic kaye ni-tatoomin wiitamaakewinan weti e-ishinishahamaak ahnishininiwi tahshikewinan misiwe ohoma kaanataa. Masinahikanan ka-ishi wawiicikatekin taishinishahikaatewan ahnishinabewikamikoon miina ahnishininiwak kaai-ishitaawaac miina masinahikanan ta-aayakocikaatewan ahnishinabek o-pimiwicikewiniwaak. O-noweniwan wiitamaakewinan tamasinahikaatewan ci-ahnishinabewipii-ikatekin, miina natotamowinik miina masinatesicikanik ta-ociwawiicikaatewan. Api tahsh miina ocicisek ci-aashi-tepi-hikaaniwak, weti Aashi-tepii-ikewin Canada ka-anokaatomowaac ta-ishicikewak anishinabe acimoowi anokiiwikamikook ta-anishiwawiicikaatewan cioci wawiicikatekin ihimaa tipacimomasinahikanik, natotamowinik miina masinatesicikanik.

## **Epimi ahnokaatekin nitashotamaakewininaan**

Asha-miina kekat kitani-otitamin ci-aashi-tepi-hikaaniwak, amihimaa kaye e-ahnocipimikakikentamaak otaanaak kakipiahisisek. Ekwa tahsh mishiin awiyaak kakiipi-ahyamihaki-taaw amii ihimaa e-ociwiicitooyek Aashi-tepii-ikewin Canada katananokaatek cikiketamaak eka ci-

asweapatamaak napic kamishiinakin ahnishinabe tashiikewinan misiwaa kaanata.

Nipakitinitisomin kaye kiiyaapic ci-papami wawitamaakeyaak api ani-oshicikaatekin oshki kekonan. Ni-kaminwetamin kekoon piwiitamek.

Kiishpin kiiyaapic wii-ki-ketaaman, ishi-kiton ki-tashiikewinik kaatananokaatek aashi-tepiihikewin kaanata. kawaapataan akitaasonan ihimaa piiwaapikok naanta ishikiton eka kaatipaaikaatek kitowinik.

**[www.elections.ca](http://www.elections.ca)**

**1 800 463-6868**

**TTY 1 800 361 8935 ke-aapacitoowac eka kaa-ositewac naanta eka naapic kaaositewac**